

6. oktober 2015

**Uunga siunnersuut: Aalisarnermut aningaasaliissutinut immikkoortitat pillugit Inatsisartut inatsisaata allanngortinnissaa pillugu Inatsisartut inatsissaat nr. xx xx 2015-imeersoq.**

(Aalisarnermut, Piniarnermut Nunalerinermullu Naalakkersuisoq)

**Tunngavilersuut:**

Isaterinermi aalisarsinnaanermut akuersissutinik pisassiissutinillu piginnittuuginnartarneq kiisalu isaterinermut il.il. tapiissutinik uuttortaasarnermi aalisariutip piviusumik nalinganik atuineq pillugu Siumumiit imaattumik oqaaseqarfigissuarput.

Siunnersuut tunngavimmigut pingaarutilerujussuuvoq, inuussutissarsiullu ataavartumik ingerlanneqassapat aalisariutit aserfallattaaliinermut annertuallaartumik aningaasartuutaalinnginnissaat pingaarutilerujussuuvoq.

Nunarput ataatsimut isigissagaanni sumiiffiit ilaanni aalisakkat akii nutarterinissamut periarfissiinngillat, taamatullu aamma tunitsivitsigut ima kinguussaaqqatigivugut sumiiffiit ilaanni sulii ataavartumik aalisarneq ingerlanneqarsinnaalersimanani, kiisalu aamma tunitsivissaqartoqarnaniluunniit.

Angallatinik nutaanngilisunik aserorterisitsisarneq qujanartumik atuutsinneqalernikuuvoq, inuussutissarsiummilli ingerlatsiinnarusuttunut periarfissiinngitsumik.

Unalu suliaq ingerlariaqqikkusuttunut periarfissiisooq, nalunngilaralu arlalinnit utaqqineqartoq, taamaakkaluartorli aamma ingerlaqqikkusuttuugaluit allatut ajornartumik isaterisitsisartut ilisimavagut, angallatit nutarteqqinnissaannut akilersinnaajunnaarneri pissutigalugit. Taamaattumik aalisarnermut aningaasaliissutinut immikkoortitat pillugit Inatsisartut inatsisaata allannguutissaattut siunnersuut taperserparput.

Allanngutissatut siunnersuutip aappassaaneerqannginnerani Siumumiit Aalisarnermut,- Piniarnermut Nunalerinermullu Ataatsimiititaliamut ingerlatinneqarnissaa innersuupparput.

Nikolaj Jeremiassen

Siumut